




TE MATATINI
Kapa Haka Aotearoa

TE PĪTAU WHAKAREI

TE MATATINI SOCIETY INCORPORATED
MAHERE RAUTAKI 2017 - 2027



TE PĪTAU WHAKAREI

Ko te pītau whakarei te upoko o te tau ihu o te waka, e kawenei i te tauira 'pītau'.

Koinei te whakaawetanga o tēnei mahere rautaki, e whakaatu ana i tā Te Matatini whakaterere i tōna ara ki te moana o ngā toi.

Ko tā mātou hoki he whai i te tauira koru o Te Pītau, e whakarei ana, e hāpai ana hoki i ngā ōhākī o ngā tūpuna. He kīanga whakaritehoki tēnei e kukuti ana i te Hukatai me te Rehutai, e kitea te ara ki Tū Ātea – te pae tawhiti e arahina ana e Te Matatini tēnei mea te Kapa Haka ki tōna hua, ki tōna painga.

Hukatai – te huka o te moana ka puta i te terenga waka, he tohu i te āhua o te whai i te mātauranga me te ao mataora. Ko te Rehutai he kīanga whakarite mō te waka e tere nei ki te ūranga o te rā. Ka huhū ake te rehutai i te tau ihu, kua whitiria e te rā, koia nei te tohu o te māramatanga.

Ko te take o tēnei mahere ko ērā tikanga whaihua e pupū ake ana i te Kapa Haka, e kitea hoki te oranga tangata.

Ka anga atu mātou ki te pae tawhiti me te whakatairanga i te hiringa o ngā mahi a Rēhia.

MAI I TE TIAMANA

Tera te haeata takiri ana mai ki
runga o Te Matatini
Hanake nei he ata hou.

Kia tau te ia o te Mauri kia tātau ngā uri a rātau mā e hāpai nei i ngā tikanga, e tū pakari ai a Te Matatini.

Tēnā tātau te hunga i whītiki, i maranga, kia toitū ai te Kapa Haka.

He mihi taurangi ki ngā Ariki, ki ngā rangatira, ki te iti, ki te rahi, ki te hunga taitamariki ki ngā kohunghunga.

Tangihia ō tātau mate huhua kua ngaro atu i te tirohanga kanohi, papatau ana te huarahi ki tua o te arai, heoi anō rā ki te hunga mate whakangaro atu rā koutou ki te pūtahitanga o Rehua, ki te huinga o te kahurangi ka oti atu ai.

“Ko te whare maire ka tū ki roto i te pā tūwatawata he tohu nō te rangatira”.

Nō reira kia tātau te iwi pūmau, pono, kaingākau hoki ki te Kapa Haka, ki ōna reo, ki ōna tikanga, kia kaha, kia manawanui, ko tātau “ngā tatangi a ngā whare karioti” ngā kaimanaaki, ngā kaihāpai a Te Matatini.

Kei roto i ēnei tātai a Te Matatini ngā kaupapa hei arahi i a tātau ki tētahi taumata anō.

Ka mau tonu i te tūturutanga o tēnei puiaki te Kapa Haka, tōna orokohanga mai, ōna whakapapa mai i ngā kokoru i ngā pūmotomoto o te motu whakawhiti atu ki ngā Hawaiki ō ō tātau mātua tīpuna.



Ko tā Te Matatini e whai nei i tēnei mahere, kia horapa a Kapahaka ki ngā hapori o Niu Tirenī, Maori mai Pakeha mai, kia rangatira ngā reo me ngā tikanga a Hinerehia me Tanerore.

“Mā tini, mā mano, ka rangatira a Kapa Haka”.

Whakairotia te a,e,i,o,u, ki roto i te manawa, kia rere to tatau reo i ngā wahi katoa i ngā wa katoa.

Ko te reo tēnei o ngā maunga nei o ngā awa o ngāmoana, o te taiao, he reo tuku iho mai rano ko te reo tēnei o Aotearoa.

Nāku nā,

Selwyn T Parata
Tiamana

MAI I TE KAIWHAKAHAERE MATUA

He hōnore, he korōria ki te Atua
He maungārongo ki te whenua
He whakaaro pai ki ngā tāngata katoa
Hangā e te Atua he ngākau hou
Ki roto, ki tēnā, ki tēnā o mātou
Whakatōngia to wairua tapu
Hei awhina, hei tohutohu i a mātou
Hei ako hoki i ngā mahi mō tēnei rā

Tēnā tātou katoa e whakaaro nui ana ki tēnei taonga a Kapa Haka, ki ōna āhuratanga e kawea ai tātou i tēnei ao hurihuri, e manaaki nei i a tātou ki te reo Māori, ki ngā kōrero me ngā mahi tuku iho a ngā tīpuna. Kia puta mai te wairua, te reo me ngā tikanga Māori ki roto tonu i a tātou ngā uri whakaheke. Tihēwa mauri ora!

He mahi toi te Kapa Haka e kitea tōna mana me tōna takoha ahurei ki te whenua nei o Aotearoa. Koia rā te whakatinanatanga o tēnei mea o te mahi toi. Kua kitea hoki tōna mana ki te whakakotahi, ki te whakapakari me te whakaora i ngā tikanga me te reo Māori. He kaha tēnei mea te kapa haka, ā, kua rangona whānuitia hoki e te ao, he mea whakatairanga i te toi iho me te āhua o Aotearoa: he ahurei, he puiaki, he tūturu.

He rāngai whānui, he rāngai rerekē te Kapa Haka. Mārama ana te kite ahakoa kaihaka mai, kaiako mai, kaitautoko mai rānei kei ngā whare mātauranga katoa o Aotearoa me te rāngai tūmatanui te nuinga e mahi ana. Ka noho ko te kapa haka, ko te whakangahau tērā, ko te whakataetae hoki tērā, me te hunga tae ā-tinana ki te mātakitaki i ngā



whakataetae ā-rohe, me te matatini ā-rua tau ngā hapori e rua, ngā tino wāhanga o tēnei mea o te hapori whānui o te Kapa Haka, ā, he whānui hoki tōna pā kaha ki te hapori.

I tīmata ake tēnei kaupapa i te Polynesian Festival, 1972, i Whakarewarewa, Rotorua, ā, mai i tērā wā, kua kitea te kaha o ngā rōpū kapa haka ki te hiki i te taumata, ki te hanga anō i ngā tikanga haka – ā-haka, ā-toi, ā-puoro ā-tinana hoki.

Ka tautoko whānuitia ngā mahi toi Māori, ā, he whakawhānui, he whakaongaonga hoki ōna kaiārahi. Kei te mōhio hoki te iwi Māori ki ngā takoha nui a ngā reanga kaiako, reanga tohunga haka, reanga kaiārahi e ngana tonu nei rātou ki te whakatō i ō rātou mātauranga, mōhiotanga hoki ki te ao Kapa Haka ki te iwi Māori hoki.

Ko te wairua, ko te ihi me te hiranga ngā tino whāinga o ngā mahi ārahi Kapa Haka me te hapori hoki o te mahi toi Māori. Nā, me mātua mōhio hoki te minenga ko ēnei mahi mō te Kapa Haka ahakoa he aha, he mahi tūao, he koha i te rawa, me te mahi, i a rātou e whakatipu whānau ana, te mahi mā ngā kura me ērā atu rōpū hapori, te mahi mō te iwi me ētahi atu mahi ā-hapori.

Mā te rautaki nei e kapo ngā kōrero me ngā rangahautanga a te Komiti Matua (ā-Motu) me te rāngai Kapa Haka.

Ko tōna whāinga ko te hiki i te tōnuitanga mā te whakatipu i te ahurea me te tuakiri Māori, te whakauru hoki i ngā mahi toi Māori e pā ana ki te rārangī hauora me te tautoko hoki i te tipu ā-ōhanga o ngā hapori Kapa Haka katoa.

*“Ko au Te Matatini
Ko Te Matatini ko au”*

**Carl Ross
Kaiwhakahaere Matua**

KUPU WHAKATAKI

Ko tēnei mea te Traditional Māori Performing Arts he mea nui whakaharahara e whakatinana ana, e whakapiki ana i te tangata, i te hauora o te hapori, te noho kaiaka o te tangata me tōna tuakiri ahurea. Mā ngā mahi whakataetae i waenga i ngā kapa toa e whakatipu ai i ngā kaiārahi mō ngā rā e heke mai ana, kei reira hoki ngā whakaaro hihiko, ngā whakaaro ngātahi, me ngā whakaaro auaha.

I te roanga ake o te mahere rautaki tekau tau nei, ka whakawhānuitia ake i tā tātou toronga mā te rangahau i ngā hua me ngā painga o te kapa haka, te tāpae hoki ki ā tātou hapori rerekē me te waihanga rautaki tūhononga e taea ai e ngā Kapa Haka te takoha atu ki te korowai ahurea, te korowai pāpori me te korowai ōhanga hoki. Mā te whakataurite i te amonga ahurea kua kitea i roto i ngā taunakitanga he takoha nui tā te Kapa Haka ki te Whakaupaunga Pūtea ā-motu.

Ka tū te Te Matatini 2017 (ko Te Kahu o Te Amorangi o Kahungunu te kaihautū), ā, neke atu i te \$28.7 miriona i taka mai ki te ōhanga ā-motu, a, \$11.2 miriona i taka mai ki te ōhanga ā-rohe. E whakarato ana hoki i ngā huarahi mō ngā ahumahi kokoru, ahumahi whakatipu ki te tiro ki ngā hua o te whakaputa pānui me te mahi ngātahi me ngā tīma kapa haka ā-rohe, ā-motu, ā-ao hoki. He āhuatanga whakapoke, he āhuatanga miharo, he ahurei hoki tēnei mea te “Kapa Factor”!

Kia taea ai te pupuri ki tēnei huarahi me tū māia, me tū pakari a Te Matatini. Mā te whakauruuru haere i tēnei mahere rautaki mō ngā tau tekau e heke mai ana, ka puta ngā huarahi o te hua me ngā painga ki ngā kaihaka me te hunga rangapū. E pono ana mātou mā te whakahono i ngā mōhiotanga a ngā kaumātua, te rerehua o te reo Māori me ngā mātauranga ā-ao kounga rawa atu, e noho ai mātou ki te:

- Whakapiki i te hauoratanga o ngā hapori
- Whakatutuki i ngā whakapūmautanga ōhanga

- Waihanga i tētahi ao e pai ake mō ā tātou mokopuna
- Pupuri i ngā ngao o te tuakiri ahurea
- Pupuri i te taiao ahurea, taiao waihanga mō ngā reanga e heke mai ana
- Whakatutuki i te hiranga ā-ao mō ngā mahi a Rēhia mō ngā iwi taketake

Tōna tikanga ka taea tēnei mā te:

- Whakapiki i te tōnuitanga ā-pūtea mō Te Matatini mā te whakanui ake i ngā whiwhinga pūtea me te whakapiki hoki i te aronga kia kore ai e moumou pūtea
- Whakapiki i te mahitahitanga me ngā rohe, ngā rangatahi me ērā o ngā rangapū
- Takoha atu i te hiranga nui o te Kapa Haka me ngā mahi a Rēhia a te Māori;
- Whakahaere i te mana ahurea mā te tiaki me te pupuri i ngā motika whakairo hinengaro;
- Mātua tohu i tētahi rōpū whakahaere; me te
- Whai hua me te manawanui o te tīma, te whai kaha me te whai huruhuru ki te whakatutuki i ngā mahi.

Ko tā mātou whāinga matua kia whai wāhi atu mātou ki ngā whānau, ki ngā hapū, ki ngā iwi me te papori whānui o Aotearoa.

*Whakatakato te whāriki i runga i nga
ōhākī i waihotia mai no nga tupuna*

NGĀ WĀHANGA WHAI HUA

E whakaatu ana tēnei mahere rautaki i ngā Wāhanga Whai Hua, arā, ngā Key Result Areas (KRAs).

1. TE WHANAKE I NGĀ ROHE
2. WHAKATIPU PAKIHI
3. TE KOUNGA ME TE HUA O TE MATATINI
4. TE WHANAKE RANGATAHI
5. TE HIRANGA O TE KAPA HAKA
6. TE WHANAKE I TE KAPA HAKA
7. TE WHANAKE MOTIKA WHAKAIRO HINENGARO
8. TE KANOHI PAI O TE MATATINI

*Hei whakarei i ngā
pītau kia maiea te
whakakitenga o
Te Matatini*

TE WHANAKE I NGĀ ROHE

Me kī ko te tōnuitanga o te Kapa Haka me te hauora Māori ka herea ki te aronga me te tomonga a ngā reanga e whai ake ana, ki ēnei tū āhuatanga mō ngā rā e heke mai nei. Ko te koronga a Te Matatini he tautoko tonu i te whanaketanga o ngā rohe me ngā hapori Kapa Haka kia eke ai ki ngā taumata angitu.

TOHUTOHU WHAKAATU MAHI

- 1.1. He taputapu hei aromatawai i te tika o te whakahaere, o te whakarite hoki
- 1.2. Te rapu whakaaro mō te hauora
- 1.3. Ngā taumata whakauru ā-rāngai
- 1.4. Ngā pūrongo tātari kaute

Pito kōrero: Ko te tohutohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>1.1 E tohu ana te rapunga whakaaro me whai wāhi atu ki te whakapakari i te pūnaha whakahaere ki ngā momo wāhi katoa</p>	<p>Kia eke ki ngā whakatauranga o te rapunga whakaaro ā-tau mō te whai hua o te whakahaere</p>	<ul style="list-style-type: none"> • Te whakaū raraunga mō ngā mahi o nāianei • Te mahi tahi me ngā rohe ki te hoahoa i tētahi tauira whakahaere • Te rapu whakaaetanga mai i ngā rohe mō te tauira whakahaere • Te hoahoa rapunga whakaaro mō te whakahaere • Te whakamātau i te rāpunga whakaaro mō te whakahaere • Te hanga mahere whakarite • Te whakamahi i te mahere • Te arotake me te whakahou i ngā wāhi e tika ana
<p>1.2 Kāore te oranga e inea ana i tēnei wā e Te Matatini</p> <p>Tirohia a Te Kupenga i oti i a Tatauranga Aotearoa i te tau 2013</p>	<p>Kia eke ki te whakatauranga teitei katoa mō te rapunga whakaaro ā-tau mō te hauora</p>	<ul style="list-style-type: none"> • Te hoahoa i te rapunga whakaaro • Te whai wāhi atu ki te rārangi oranga tangata • Te whakamātau me te whakahou te rārangi oranga tangata • Te whakamahi i te rapunga whakaaro • Te tātari i ngā otinga • Te pūrongo whakatau ki ia rohe
<p>1.3 Kāore ngā raraunga i te mārara, i te tika rānei</p>	<p>Kia taea ngā taumata teitei mō te whakaanga ki ngā rāngai katoa</p>	<ul style="list-style-type: none"> • Te tautohu i ngā momo ara ki te ine tika i ngā mahi whakaanga • Te whakamātau mā te wānanga me ngā rohe • Te whai whakaaetanga hei whakamahi i ngā inenga • Te koha me te whakamārama i ngā raraunga • Te tohatoha pūrongo
<p>1.4 He nui ngā utu tātari kaute, kāore anō kia tau he tauira tahua i tēnei wā</p>	<p>Kia whiwhi i te 90% whakatauranga pai mō ngā mahi tātari kaute tahua ā-tau, ā, he māmā noa ngā utu ki ia o ngā rohe</p>	<ul style="list-style-type: none"> • Te rangahau tauira whakahaere tahua • Te whakamātau mā te wānanga me nga rohe • Te rapu tautoko mai i te kōmiti ā-rohe mō te tauira whakahaere tahua • Te whakarato ki ngā rohe he kaupapa whakapiki pūkenga mō te tauira whakahere tahua • Te whakarato i ngā aratohu mahi mō te tauira whakahaere tahua • Te whakahaere arotakenga ā-tau



WHAKATIPU PAKIHI

Ko tā Te Matatini he toro i te whāinga roa mō te Whakatipu Pakihi. E taea ai e ngā hapori Kapa Haka rerekē, te waihanga i te oranga tonutanga mā ngā mokopuna mō ngā rā e heke mai nei.

TOHUTOHU WHAKAATU MAHI

- 2.1 % te pikinga tahua
- 2.2 ua piki ake te Rārangi mō te Oranga Tangata
- 2.3 Te whakapiki i ngā tūhononga ā-rautaki

Pito kōrero: Ko te tohu whakaatu mahi, arā, te performance indicator (PI), he he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>2.1 Tahua ā-tau mai i te kāwanatanga \$1.9 miriona</p>	<p>Kia eke ki te 10% te tipu ā-tau a te pakihi</p>	<ul style="list-style-type: none"> • Te hanga me te whakamahi i te rautaki whakatipu pakihi • Whakahaere rangahau e whakaatu ana mā ngā inenga tika te pānga papai o te Kapa Haka ki te ōhanga me ngā pāpori mō Aotearoa • Te tautohu i ngā wānanga iwi taketake hei rangahau i te kaupapa nei • Te tuhi i Ngā Whakataunga me ngā Whakapuakitanga mō te kaupapa nei • Te whakamahi i te kaupapa • Te aroturuki i te kaupapa • Te whakauru i ngā kitenga ki te tukanga mahere • Te hoahoa i tētahi tauira pakihi pakari
<p>2.2 Kāore he rārangi oranga tangata i tēnei wā</p>	<p>(x) te whakapiki i te rārangi oranga tangata mō ngā tau 10+ e heke mai ana</p>	<ul style="list-style-type: none"> • Tirohia te kaupapa rangahau • Whakahaere rangahau e whakaatu ana i te pānga papai o te Kapa Haka ki te ōhanga me ngā pāpori mō Aotearoa • Te tautohu i ngā wānanga iwi taketake hei rangahau i te kaupapa nei • Te tuhi i Ngā Whakataunga me ngā Whakapuakitanga mō te kaupapa nei • Te whakamahi i te kaupapa • Te aroturuki i te kaupapa • Te whakauru i ngā kitenga ki te tukanga mahere • Te hoahoa i tētahi tauira pakihi pakari
<p>2.3 Te whakapiki i ngā tūhononga rautaki</p>	<p>Te whakapiki i ngā tūhononga rautaki kia hāngai ki ngā whāinga whakahaere</p>	<ul style="list-style-type: none"> • Whakapai ake i ngā tūhononga rautaki mohoa • Kua mana ngā tūhononga rautaki hou

(x) – e tohu ana, kāre anō kia whakaritea



TE KOUNGA ME TE HUA O TE MATATINI

Ko tā Te Matatini hiahia he whakapakari haere tonu i ngā taumata me ngā whai huatanga o ā tātou taiopenga Kapa Haka. Nā ēnei taiopenga i kaha ai te tuakiri ahurea me ngā rerekētanga i waenga i ngā iwi. Kia whai wāhi mai ngā rangapū ki te takoha mai, ki te whai hua mai hoki i tēnei kaupapa angitu.

TOHUTOHU WHAKAATU MAHI

- 3.1. Ngā mahere me ngā tukanga e rere pai ai ngā taiopenga
- 3.2. % te pikinga o te hunga māngai tautoko
- 3.3. Ngā hekenga utu mā roto mai i ngā tukanga whakapiki tātari kaute
- 3.4. Te whakapiki i te rahi o te hunga mātakitaki
- 3.5. Te rapu whakaaro mai i te hunga mātakitaki

Pito kōrero: Ko te tohutohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
3.1 Ngā mahere me ngā tukanga e rere pai ai ngā taiopenga	Te whai whakaaetanga ki ngā mahere me ngā tukanga kua whakahoutia	<p>Arotake i ngā tuhinga mohoa me te whakapai ake i ngā tukanga mā:</p> <ul style="list-style-type: none"> • Te whakarite i tētahi aratohu whakarite taiopenga (tirohia te Festival Project Plan) • Te whakamātau me te aromātai i te aratohu • Te whakarite mahere whakahaere taiopenga ā-motu • Te hoahoa i tētahi tauira pūtea taiopenga • Te hanga aratohu mō ngā tūranga me ngā kawenga mō tēnā rohe, mō tēnā rohe • Te tautohu i ngā mōrearea o te whakatū taiopenga, te hanga mahere whakatika mōrea • Te rapu whakaaetanga mai i te Poari ā-Motu mō ngā tohu whakaatu mahi/papatohu mō ngā taiopenga angitu • Te aromatawai i te kaha me te pakari o ia rohe • Te whakamahi i ngā mahere me ngā tukanga • Te arotake i ngā mahere me ngā tukanga
3.2 Kāore e tutuki te tipu pai o te kaupapa nei, he iti nō ngā tauhua tautoko	<p>Te hanga me te whakamahi i te tauira tauhua tautoko hou</p> <p>Kia tutuki ngā taumata mō ngā rauemi e pā ana ki ngā mea e hiahiatia ana i ngā wāhanga:</p> <ul style="list-style-type: none"> • tauhua • whakaritenga • ngā rawa • pāpāhō matihiko 	<ul style="list-style-type: none"> • Te aromatawai i ngā hiahia • Te tautohu i ngā rauemi e ngaro ana • Te hanga tauira e kore e moumou ai te pūtea • Te hanga mahere, hanga tauira whanake rauemi • Te whakamahi i te tauira tauhua tautoko • Te arotake i te tauira tauhua tautoko

3.3 Ngā hekenga utu mā te kore moumou moni me ngā tukanga whakapiki tātari kaute	Kia tutuki i ngā taiopenga katoa ngā taumata kore moumou moni i whakataungia	<ul style="list-style-type: none"> • Te aromatawai i ngā hiahia • Te hanga me te whakamahi tauira kore moumou moni • Te whakamahi tukanga tātari kaute • Te arotake
3.4 E wātea ana ngā raraunga mai i ngā rapunga whakaaro o muri mai i ngā taiopenga	<p>Te pikinga moni puta (x) mai i te hunga mātakitaki</p> <p>Te pikinga moni puta (x) mai i te hunga mātakitaki ā-ipurangi</p>	<ul style="list-style-type: none"> • Te rangahau i ngā kōwhiringa utu mātakitaki • Te aromatawai i ngā kōwhiringa mō te kōhi moni puta mai i ngā mātakihanga ā-ipurangi • Te arotake me te whakahou i ngā wā e tika ana
3.5 E wātea ana ngā raraunga mai i ngā rapunga whakaaro o muri mai i ngā taiopenga	Te whakapiki i ngā whakatauranga mō ngā rapunga whakaaro katoa (kia 90% te whakatauranga papai)	<ul style="list-style-type: none"> • Te whakahou i te rapunga whakaaro mohoa • Te tautohu i te maha o ngā tauira • Te whakamahi i te rapunga whakaaro

(x) – e tohu ana, kāre anō kia whakaritea

TE WHANAKE RANGATAHI

E whai hua ai tēnei kaupapa me mātua noho tātou ki te whakawhanake i ā tātou kaiārahi, ā tātou mātanga me ā tātou hapori hoki e hāpai ana i te kaupapa nei. Ko tā Te Matatini takoha ki te hunga rangatahi he whakarite i a rātou ki te whai i ngā wero o āpōpō, ā, i tua atu i tērā ko te pupuri i te tuakiri ahurea e whai hua ai te pāpori.

TOHUTOHU WHAKAATU MAHI

- 4.1 Whakapiki i te whai wāhitanga a te hunga rangatahi ki ngā hapori Kapa Haka
- 4.2 Whakapiki i te nui o ngā kaihaka e whakawhiti mai ana i ngā rōpū ā-kura, ki ngā rōpū pākeke
- 4.3 Whakatauranga mō ngā momo Taputapu Whanake Rangatahi

Pito kōrero: Ko te tohutohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>4.1 Ko te whakaurunga mai o te hunga rangatahi ki te Kapa Haka he mahi nā ētahi atu momo umanga</p>	<p>Te whakapiki i te whakaurunga mai o ngā rangatahi kia inea ki ngā pūkenga ka taka ki a rātou</p>	<ul style="list-style-type: none"> • Te hanga mahere aromatawai i ngā hiahia • Te tohatoha i te mahere aromatawai rangatahi ki te rohe • Te whai whakaaetanga mō ngā ritenga whakataunga me ngā ritenga mahere rauemi tae atu ki ngā aratohu tikanga mō te hunga rangatahi • Te mahi tahi me ētahi atu umanga kia tutuki te otinga kounga rawa atu • Te whakarite tohanga pūtea e take mai ana i te tauira tauwhāinga tahua • Te whai whakaaetanga mō te tauira nei • Te whakamahi me te arotake
<p>4.2 Kāore he tautoko mai i Te Matatini mō te kaihaka e whiti mai ana i ngā rōpū ā-kura</p>	<p>Te whakaawe i te whakawhitinga pai hei whai mā te hunga whakarere kura ki ngā rōpū pākeke (x) i roto i ēnei tau 2017-2027</p>	<ul style="list-style-type: none"> • Te whai whakaaetanga mai i te Poari ā-Motu kia tū ngā tīma toa o Te Matatini ki ngā taiopenga kura tuatahi, kura tuarua hoki ki te whakangahau • Te hanga i tētahi rautaki whakanui hei whakahau i ngā tīma toa o ngā taiopenga kura tuatahi, kura tuarua hoki ki te tū hei rōpū whakangahau ki Te Matatini • Te hanga i tētahi tauira tahua tautoko mō tēnei kaupapa • Te hanga mahere hei 'toro atu' ki te whakahau i ngā kura ki te tautoko i ngā whāinga
<p>4.3 Kāore anō kia kohia mai ngā raraunga mō ngā whāinga a te hunga rangatahi, ā, kāore hoki he whakataunga ōkawa mō tēnei whanaketanga.</p> <p>Kāore a Te Matatini e tāpae ana ki tēnei kaupapa i tēnei wā.</p>	<p>Te whakapiki i ngā whakatauranga o te rangatahi whai Kapa Haka ki runga i ngā hōtaka kaiārahi rangatahi.</p>	<ul style="list-style-type: none"> • Te whakarewa i tētahi kaupapa mahi tahi i te taha o ngā rohe me ngā whakahoatanga a Te Matatini ki te hanga ki te whakamahi hoki i te hōtaka Kapa Haka Kaiārahi Rangatahi • Te hanga hōtaka • Te whakamahi, te whakamatau hoki i te hōtaka • Te arotake me te whakahou i te hōtaka i ngā wā e tika ana • Te whakahāngai i ngā pūkenga ki te pūnaha whiwhinga a NZQA/NCEA me ngā kaupapa mātauranga mohoa a Te Matatini



(x) – e tohu ana, kāre anō kia whakaritea

TE HIRANGA KAPA HAKA

Ko tā Te Matatini he whakanui i te hiranga o ngā mahi a Rēhia me te Kapa Haka. Ka whakaatu i te taonga nei ki te ao mā roto i ngā kaupapa ā-motu, ā-ao, hei tauira mō ngā mahi a Rēhia a ngā iwi taketake.

TOHUTOHU WHAKAATU MAHI

- 5.1 Kua tutuki ngā tatauranga mō ngā taumata mahi a Rēhia kua whakaaetia
- 5.2 Whakapiki i ngā tono a ngā kapa kia tū ki ngā taiopenga ā-ao.
- 5.3 Whakapiki i te whakatairanga me te aronga a te hunga pāpāhō

Pito kōrero: Ko te tohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>5.1 Kāore he tauira i tēnei wā. Ka whai koha ngā wānanga kaiwhakawā ki ngā taumata hiranga ōrite e tutuki ai ngā hiahia mō ngā rā kei te heke mai</p>	<p>Te waihanga taumata hiranga e tika ana, e ōrite ana, ā, kua whakaaetia mō tēnā, mō tēnā taumata</p>	<ul style="list-style-type: none"> • Te tātari me te tautohu i ngā taumata/ paearu hiranga mō Te Matatini • Te tuhi i ngā whakataunga me ngā whakapuakitanga • Te whai whakaaetanga mai i te Poari ā-Motu ki te whakamahi i te tauira
<p>5.2 Ko te maha o ngā taiopenga ā-ao mohoa, ko te (x)</p>	<p>Te whakapiki i ngā tono taiopenga ā-ao ki te (y)</p>	<ul style="list-style-type: none"> • Te hanga rautaki whakatairanga, pāpāho hoki • Te hanga i tētahi tauira pūtea mō te rautaki whakatairanga, pāpāho hoki • Te whakamahi me te arotake
<p>5.3 Kāore anō kia kohia ngā raraunga</p>	<p>Te whakapiki i te aronga me te tāwharautanga a tētahi rōpū pāpāho (x)</p>	<ul style="list-style-type: none"> • Te aromatawai i ngā hiahia • Te whakahaere rangahau tātari • Te tautohu i ngā whāinga tōmua mō ngā kaupapa whakapāoho, pāpāho pāpori hoki (pērā i te reo irirangi, te pouaka whakaata, Tihau, Papatono?, PukaMata , Snapchat, Kapoata) • Te hanga i ngā mahere kaupapa • Te whakamahi i ngā mahere • Te whakahou me te arotake

(x) – e tohu ana, kāre anō kia whakaritea he taumata
(y) – te otinga e wawatatia ana



TE WHANAKE KAPA HAKA

E mahi tahi ana a Te Matatini me ētahi atu ki te whakarite i ngā rohe e tutuki ai te whakatipu, te hauora me te whakapūmautanga o ngā mahi nei.

TOHUTOHU WHAKAATU MAHI

- 6.1 Kua whakatūhia te taumata tahua
- 6.2 Whakapiki ake i te whakaanga mai a ngā rohe
- 6.3 Whakapiki i ngā Hua Moni Puta Return On Investment [ROI]
- 6.4 Whakapiki i te whai wāhitanga ki te ako i te reo Māori
- 6.5 Te Rārangi Oranga Tangata

Pito kōrero: Ko te tohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
6.1 He tahua whakawhanake ā-Rohe	Kia tutuki he tahua tōkeke, he tahua whakapūmau puta noa i ngā hapori Kapa Haka	<ul style="list-style-type: none"> Te tautohu i ngā āputa ā-tahua puta noa i ngā hapori Kapa Haka (aromatawai i ngā hiahia) Te pūrongo ki te Poari ā-Motu mō ngā pūtea e tika ana e rite ai ngā hiahia me ngā wawata o te hapori Kapa Haka Te hanga i tētahi tahua tauwhāinga me ōna ake paearu tono Te raupapa haere i ngā āputa me ngā tauira Te whakarite me ngā rohe ngā paearu mō te tohatoha tahua Te hoahoa aratohu tōkeke hei whai tautoko mai i ngā rohe Te whakamahi me te arotake i te tauira tōkeke
6.2 Tirohia ngā raraunga o te rapunga whakaaro rāngai Kapa Haka	Te whakapiki i te taturanga o te hunga kei ngā Kapa Haka ki te (x) hei te tau 2027	<ul style="list-style-type: none"> Te whakahāngai i ngā raraunga me te kaupapa rangahau Pūtea Motuhake [KRA 2]



6.3 Kāore anō kia whakamanatia te Hua Moni Puta [ROI]	Kua whakaaetia tētahi tauira Hua Moni Puta [ROI] hei te tau 2018	<ul style="list-style-type: none"> Te whai i tētahi tauira Hua Moni Puta [ROI] Te whakamātau i te tauira Hua Moni Puta [ROI] Te whai whakaaetanga mai i te Poari ā-Motu mō te tauira Hua Moni Puta [ROI] Te hanga mahere whakamahi Te whakamahi me te arotake
6.4 Kua piki ki tētahi teitei te taumata o te reo i roto i ngā mahi Kapa Haka	Kia taea tonutia ngā taumata teitei o te Reo Māori me ngā titonga hoki i ngā tau 10 kei mua i a tātou	<ul style="list-style-type: none"> Te whakarite aromatawai kia uru atu ki ngā raraunga mohoa mō te whakamahi i te reo Māori Te tātari i ngā ara me ngā mōrea o te whakamahinga o te reo Māori Te tautohu i ngā whakataunga whai taunakitanga Te whakamōhio atu i ngā rohe ki ngā āputa me te tuari i ngā ara whakareitanga me te rapu urupare mai Te whakarato tautoko mō ngā rohe kia pai haere ā rātou mahi Te mahi tahi a Te Matatini me ngā tari kāwanatanga ki te whakatairanga ki te tautoko hoki i ngā rohe me a rātou mahere whakarei i te reo Māori
6.5 I roto i ngā rangahau ō mua he teitei ngā taumata hauora	Te whakapiki i ngā taumata rārangi oranga tangata (x) tae noa ki te tau 2027	<ul style="list-style-type: none"> Te whai, te hoahoa hoki i te rārangi oranga tangata Te whakamātau i te rārangi nei mā te kōhi raraunga Te whakamahi i ngā whakatau mō te rārangi oranga tangata Te arotake, te whakahāngai hoki i ngā mahi whai taunakitanga i roto i te mahinga tahi me ngā mātanga hauora

(x) – e tohu ana, kāre anō kia whakaritea he taumata

1 Ngā Hua a Tāne Rore <http://www.mch.govt.nz/files/Nga%20Hua%20a%20Tane%20Rore%20%20The%20benefits%20of%20kapa%20haka%20%28D-0570327%29.PDF>

TE WHANAKE MOTIKA WHAKAIRO HINENGARO

Ka ngana a Te Matatini me tōna whakahoatanga tauhokohoko, a Aotearoa Kapa Haka Limited, kia mārama ake, kia tātaitia, kia tāwharautia, kia whakamahia hoki ngā motika whakairo hinengaro me ōna momo whai hua katoa. Ka noho hoki hei kaitiaki mō ā tātou taonga mō ngā reanga e piki ake nei.

TOHUTOHU WHAKAATU MAHI

- 7.1 Te whakahaere pūranga me ōna hua
- 7.2 Ngā whakaaetanga me ngā kirimana o Aotearoa me te ao whānui
- 7.3 Ngā wāriu o ngā taonga tauhokohoko
- 7.4 Te whakapai ake i ngā pūnaha whakahaere whakairo hinengaro

Pito kōrero: Ko te tohu whakaatu mahi, arā, te performance indicator (PI), he kōrero poto mō te inenga o ngā otinga angitu. Ka panonitia te PI ki tētahi whāinga SMARTER mā roto i ngā mahi aromatawai.

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>7.1 Ko ngā tikanga mana pupuri me te tohatoha o ngā pūranga kōrero Kapa Haka e whakahaerenga ana e AKHL i tēnei wā</p>	<p>Ko Te Matatini kei te ārahi, kua whakaaetia e ngā rohe kia whakahaeretia, kia whai wāhi atu ki ngā pūranga kōrero katoa e taunakitia ai e te whakahaerenga tātari mana mātauranga</p>	<ul style="list-style-type: none"> • Te rangahau kaupapa me ngā aromatawai mō te hoahoatanga o tētahi tomokanga hei tauwhitiwhiti me ngā mahi a Rēhia • Te tohatoha i te pūrongo totoro ki te Poari ā-Motu kia wānangatia • Te whakarite whakaaetanga me te hunga pupuri kōrero ka whakahou i ngā paearu i ngā wā e tika ana
<p>7.2 Ka tae ki a AKHL (x) mō te (x) o ngā whakaaetanga</p> <p>E tatari tonu ana ki ngā raraunga</p>	<p>Ko te wāriu o ngā whakaaetanga kua tae ki a AKHL, ka piki atu i te tau (y), ā, i ia tau, tae noa ki te tau 2027</p> <p>Te whakapiki i te wāriu o ngā whakaaetanga ā-motu, ā-ao hoki me ngā kirimana mā te (y)</p>	<ul style="list-style-type: none"> • Te aromatawai i ngā hiahia hei whakaatu i ngā raraunga tika e pā ana ki ngā wāriu whakaaetanga • Te tuku pūrongo, te kōhi urupare mai i ngā kōmiti ā-rohe mō ngā whakaaetanga, ngā kaupapa tahua me ngā whakareitanga • Te tohu i ngā whāinga matua kia whakawhanaketia anō • Te hanga tauira utu kia ō ai te tuku i ngā utu • Te kōhi raraunga pūtake • Te tiki i ngā raraunga whakatipu pakihi mai i AKHL
<p>7.3 Te whakaatu i ngā whakatairanga me ngā tauhokohoko</p>	<p>Te whakapiki i te wāriu o ngā tauhokohoko ki te (y)</p>	<ul style="list-style-type: none"> • Te whakarite i tētahi tātaritanga moni hua puta • Te tūhura i ngā kōwhiringa mātaki ā-utu mō ngā pūranga kōrero kapa haka, te hoahoa tauira, hātepe hoki mō te tohatoha tiringa ki te hunga whai mana • Te whakamahi i ngā kitenga
<p>7.4 He mahi ā-ringa noa ngā whakahaerenga pupuri i ngā whakairo hinengaro</p>	<p>Ka whakahaeretia ngā whakairo hinengaro mā te whakamahi i tētahi pokapū papa matihiko</p>	<ul style="list-style-type: none"> • Te whakarite tātari kaute mō ngā whakairo hinengaro me ngā pūnaha whakahaere • Te tohu i ētahi whāinga matua hei whakawhanake anō • Te hanga i te rārangi pupuri, tētahi pūnaha whakahaere hoki • Te hanga i tētahi papa pokapū matihiko hei whakahaere i ngā mahi whakairo hinengaro

(x) – e tohu ana, kāre anō kia whakaritea he taumata
(y) – te otinga e wawatatia ana



TE KANOHI PAI O TE MATATINI



Ko te kanohi pai he tino tohu e kitea ai te ngakaunui me te tautoko ki te kaupapa nei. Māna e whakaawe ngā hinengaro me ngā ngāku o ngā hapori Kapa Haka me te whānuitanga o ngā rangapū. Ka whai koha tonu ia ki te pūmautanga ā-ōhanga me te oranga ā-pāpori. Ko tā mātou whāinga matua kia whai wāhi atu mātou ki ngā whānau, ki ngā hapū, ki ngā iwi me te pāpori whānui o Aotearoa.

TOHUTOHU WHAKAATU MAHI

- 8.1 Te rapu whakaaro mō te kanohi pai o Te Matatini
- 8.2 Kua tutuki ngā kaupapa mahi tahi me ngā tari kāwanatanga
- 8.3 Whakatauranga o ngā aromatawai ā-roto
- 8.4 Te whakanui ake i te aronga ā-motu, ā-ao hoki ki ngā mahi Kapa

Pito kōrero: Ko te tohu whakaatu mahi, arā, te performance indicator (PI), he kōrero poto mō te inetanga o ngā otinga mō te angitu. Ka panonitia te PI ki tētahi whāinga SMARTER mā roto i ngā mahi aromatawai..

Ngā otinga mohoa [whāinga tata]	Ngā otinga e wawatatia ana [whāinga tawhiti]	Mahere mahi [rautaki me ngā tātai]
<p>8.1 E tīpako ana te rapunga whakaaro mohoa i kāore he aronga ki Te Matatini</p>	<p>Te whakapiki i ngā whakatauranga pai o te rapunga whakaaro mō te āhua tūmatanui o Te Matatini</p>	<ul style="list-style-type: none"> • Te hoahoa paearu mō te rapunga whakaaro kia tika ai ngā raraunga • Te rapu kaihoahoa i te rapunga whakaaro • Te hoahoa i te rapunga whakaaro, te tautohu hoki i ngā putanga mō ngā Wāhanga Whai Hua ki te whakapai ake i te Āhua Tūmatanui (whakahāngai) • Te whakamahi i te rapunga whakaaro • Te kohikohi raraunga matua • Te whakamārama i ngā otinga me ngā pānga ki ētahi atu WWW • Te tuku pūrongo ki Poari ā-Motu • Te hanga me te whakamahi i te āhua tūmatanui hou me te mahere whakatairanga hoki
<p>8.2 I tua atu i ngā mahi tahi me te Manatū Taonga, e whakahaere ana a Te Matatini i ētahi atu kaupapa e whā me ngā tari kāwanatanga e rua</p>	<p>Te whakapiki i ngā kaupapa mahi tahi me ngā tari kāwanatanga kia oti i roto i te wā tika, kia eke hoki ki ngā taumata i whakaaetia</p>	<ul style="list-style-type: none"> • Te hanga i tētahi mahere rangapū • Te tātari i te hunga rangapū • Te tautohu i ngā wāhanga whai aronga pātahi • Te hanga me te whakahāngai i ngā mahere mahi tahi • Te hanga paearu mō ngā kaupapa mātāmua e whakapai ana i te whakaahua tūmatanui me te whakaatu i te kawenga ā-pāpori me te pānga kaitiakitanga
<p>8.3 E tohu ana te rapunga whakaaro i ētahi āputa kei ngā tukanga ā-roto</p>	<p>Te whiwhi i ngā whakatauranga mō ngā aromatawai ā-tau</p>	<ul style="list-style-type: none"> • Te whakauru i te anga whai taunakitanga mō te whakapakari i ngā mahi • Te rangahau i te taumata o ngā aromatawai ā-roto • Te tautohu i ngā āraitanga (te tātari kaute mō te kore moumou moni) • Te whakamahi i ngā rautaki whakataunga e hāngai ana ki ngā whakahoutanga o ngā tukanga whakahaere • Te arotake i te papa matihiko me tōna whai hua • Te whakahou me te arotake
<p>8.4 Te kore mōhio ki te āhua tūmatanui a Te Matatini ā-motu, ā-ao hoki</p>	<p>Te whakanui ake i te aronga ā-motu, ā-ao hoki ki ngā mahi Kapa Haka</p>	<ul style="list-style-type: none"> • Te hoahoa me te whakauru i te rautaki whakatairanga • Te whakahou me te arotake



TE PĪTAU WHAKAREI

TE MATATINI MAHERE RAUTAKI 2017 - 2027



Ngā Wāhanga Whai Hua (Key Result Areas)

E whakaatu ana tēnei mahere rautaki i ngā Wāhanga Whai Hua, arā, ngā Key Result Areas (KRAs). E rārangi ana i raro nei.

Wāhanga Whai Hua	Whakamārama	Paearu Paetae
1 Te whanake i ngā Rohe E hāngai ana ki ngā whāinga mātāmua a Te Manatū Taonga: 1, 2, 5	Me kī ko te tōnuitanga o te Kapa Haka me te hauora Māori ka herea ki te aronga me te tomonga a ngā reanga e whai ake ana, ki ēnei tū āhuatanga mō ngā rā e heke mai ana. Ko tā Te Matatini he tautoko, he kōkiri, he whanake i ngā rohe me ngā hāpori Kapa Haka e noho angitu ai ēnei mahi. Ko ngā urupare mai i te Poari ā-Motu me te rangahau i whakahaeretia e tohu ana kia tautokohia, kia whanaketia hoki ngā rohe – te taha whakahaere, te taha pūtea, ngā whakaritenga, te hunga rangatahi.	1.1 ngā aromatawai pūkenga whakahaere, pūkenga whakarite 1.2 te rapu whakaaro mō te oranga 1.3 ngā taumata whakauru ā-rāngai 1.4 ngā pūrongo tātari kaute
2 Whakatipu Pakihi E hāngai ana ki ngā whāinga mātāmua a Te Manatū Taonga: 3, 4, 5	Ko tā Te Matatini he toro i te whāinga roa mō te Whakatipu Pakihi. E taea ai e ngā hāpori Kapa Haka rerekē, te waihanga i te oranga tonutanga mā ngā mokopuna mō ngā rā e heke mai nei. Mā te whakauru i ngā taura pakihī kōunga e puta ai te hauora o te pāpori me ngā whakapūmāutanga ōhanga mō Te Matatini.	2.1 % te pikinga o ngā pūtea 2.2 Kua piki ake te Rārangi Hauora 2.3 Te whakapiki i te rautaki tūhononga
3 Te Kōunga me te Hua o Te Matatini E hāngai ana ki ngā whāinga mātāmua a Te Manatū Taonga: 2, 4, 5	Ko tā Te Matatini hiahia kia whakapakari i ngā taumata me te whai hua o ā tātou taiopenga Kapa Haka. Nā ēnei taiopenga i kaha ai te ahurea tuakiri me ngā rerekētanga i waenga i ngā iwi.	3.1 Ngā mahere me ngā tukanga e rere pai ai ngā taiopenga 3.2 % te pikinga o te hunga māngai tautoko 3.3 Ngā hekenga utu mā roto i ngā tukanga whakapiki tātari kaute 3.4 Te whakapiki i te rahi o te hunga mātakitaki 3.5 He rapu whakaaro mai i te Hunga Mātakitaki
4 Te Whanake Rangatahi E hāngai ana ki ngā whāinga mātāmua a Te Manatū Taonga: 1, 2, 3	E whai hua ai tēnei kaupapa me mātua noho tātou ki te whakawhanake i ā tātou kaiārahi, ā tātou mātanga me ā tātou hāpori hoki e hāpai ana i te kaupapa nei. Ko tā Te Matatini takoha ki te hunga rangatahi he whakarite i a rātou ki te whai i ngā wero o āpōpō, ā, i tua atu i tērā ko te pupuri i te tuakiri ahurea e whai hua ai te pāpori.	4.1 Whakapiki i te whakaurutanga a te rangatahi ki ngā hāpori Kapa Haka 4.2 Whakapiki i te nui o ngā kaihaka e whakawhiti mai ana i ngā rōpū ā-kura, ki ngā rōpū pākeke 4.3 Whakatauranga mō ngā momo Taputapu Whanake Rangatahi (Youth Development Instruments)
5 Te Hiranga o te Kapa Haka E hāngai ana ki ngā whāinga mātāmua a Te Manatū Taonga: 2, 4	Ko tā Te Matatini he whakanui i te hiranga o ngā mahi a Rēhia me te Kapa Haka. Ka whakaatu i te taonga nei ki te ao mā roto i ngā kaupapa ā-motu, ā-ao, hei taura mō ngā mahi a Rēhia a ngā iwi taketake.	5.1 Kua tutuki ngā tatauranga mō ngā paerewa mahi a Rēhia 5.2 Whakapiki i ngā tono a ngā kapa kia tū ki ngā taiopenga ā-ao 5.3 Whakapiki i te tāwharau me te aronga a te hunga pāpāhō
6 Te Whanake i te Kapa Haka E hāngai ana ki ngā whāinga mātāmua a Te Manatū Taonga: 2, 4	E mahi tahi ana a Te Matatini me ētahi atu ki te whakarite i ngā rohe e tutuki ai te whakatipu, te hauora me te whakapūmāutanga o ngā mahi nei.	6.1 Kua whakatūhia te taumata pūtea 6.2 Whakapiki ake i ngā taumata whakauru mai a ngā rohe 6.3 Whakapiki i ngā hua ka puta mai i ngā whakapaunga pūtea 6.4 Whakapiki i ngā whakaurutanga ki te ako i te reo Māori 6.5 Te Rārangi Hauora
7 Te Whanake Motika Whakairo Hinengaro E hāngai ana ki ngā whāinga mātāmua a Te Manatū Taonga: 2, 3, 4	Hei tā Te Matatini, me tōna āpititanga tauhokohoko, a Aotearoa Kapa Haka Limited, he ngana kia mārama, kia tātaitia, kia tāwharautia, kia apohia hoki ngā motika whakairo hinengaro me ōna momo hua tāpiri katoa. Ka noho hoki hei kaitiaki mō ā tātou taonga mō ngā reanga e piki ake nei.	7.1 Te whakahaere pūranga me ōna hua 7.2 Ngā whakaetanga me ngā kirimana o Aotearoa me te ao whānui 7.3 Te wāriu o ngā taonga hokohoko 7.4 Te whakapai ake i ngā pūnaha whakahaere whakairo hinengaro
8 Te Kanohi Pai o Te Matatini E hāngai ana ki ngā whāinga a Te Manatū Taonga: 1, 2, 4, 5	He tino tohu rā tēnei o te whakaahua tūmatanui e kitea ai te ngakaunui me te tautoko ki te kaupapa nei. Te whakaawe i ngā hinengaro me ngā ngākau o ngā hāpori Kapa Haka me ngā rangapū. Ka whai koha hoki ki te whakapūmāutanga ā-ōhanga me te oranga pāpori.	8.1 Te rapu whakaaro mai i te marea mō te kanohi pai o Te Matatini 8.2 Kua tutuki ngā kaupapa mahi tahi me ngā tari kāwanatanga 8.3 Whakatauranga o ngā aromatawai ā-roto 8.4 Te whakanui ake i te aronga ā-motu, ā-ao hoki ki ngā mahi Kapa Haka

Ngā Whāinga Matua a te Manatū Taonga:

1. Te atawhai i te katoa o te pāpori o Aotearoa
2. Tautoko i ngā wawata o te ahurea Māori
3. Te hāpai i ngā momo hangarau hou
4. Te whakapiki i te āhua whakapūmāu rawa ahurea
5. Te ine me te whakanui ake i te wāriu tūmatanui

Kuputaka mō te Tirohanga Whānui o ngā Wāhanga Whai Hua (KRA)

Rapu whakaaro – te rapunga whakaaro tūmatanui ā-motu a 'Te Matatini' i oti i te tau 2015

Taonga – te ahureitanga o te Kapa Haka me Ngā Mahi a Rēhia